

مشتاقنامه

مطبعه و محل اداره :

جفال اوغلانده امنیت
صندوغی جوارنده
شنکول یقوشنده
۲۷ نومرو

اضطار :

مسلکمزده موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و مشوره اسلامیه بحث ایرر و هفته ده بر نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

۱۰ تموز ۳۲۴

در سعادتده نسخہ سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلیر

آلتیجی جلد

۱۴ جمادی الاول پنجشنبه ۵ مایس ۳۲۷

عدد : ۱۴۱

واقع اولدینی کی جناب حق انلره ولد اسماعیلدن بر پیغمبر کوندر و ب انکله بر امت وجوده کتوره چکی و بو پیغمبرک جاریه هاجرک ولدندن ظهور ایده چکی دخی کتابلرنده ورود ایلمش و او پیغمبرک علامت و نشانلری التباس اشتباهه محل قالمیه حق صورته واضحاً کوسترلمشدر. فقط احبار ورؤسای یهود عوام ناس اوزرینه حق باطل ایله ستر ایدرک حاشا نبی محترم صلی الله علیه وسلم اقدمزک کتب مذکورده نک کذب ایله توصیف ایلدیکی پیغمبرلردن بولندیغنی انلره ایهام ایدیور و رسول اکرم حقنده کی نعوت و شمائل بشقه سنه قطعاً مطابق اولیوب ذات رسالتپناهنده اکمل ظهور ایله ظاهر اولدینی و انبیای صادقانه اوصافی و دعوت ایلدیکری امور نبی مجتساده متحقق بولندیغنی و کندیلری ده بو جهتله تماماً مطلع اولدقلمی حالده کتم ایلورلر ایدی - ع .

برکت زاده

اسماعیل حق

توراتک ایسه قرآنک صحتی ناطق بولمسی او احکامک نسخی ناطق اولمق دیمکدر . شو حالده احکام مذکورده و خنده ناط مخالفت انجق اختلاف عصردر ، حق متقدمک نزولی تأخر ایدیدی شبهه سز متأخره موافق اوله رق نزول ایدر ، متأخرک نزولی تقدم ایدیدی شبهه سز متقدمه موافق اوله رق نازل اولوردی . بونکچوندر که دهان حکمت فشان نبویدن « لوکان موسی حیا لما وسعه الاتباعی » حدیثی شرف صدور ایلمشدر . [یعنی موسی بوکون بر حیات اولایدی شریعتمه اتباع ن بشقه چاره سی اولمازدی بیورلمشدر] - س .

۴۲ - ولا تلبسوا الحق بالباطل وتکتبوا الحق وانتم تعلمون .

وبیله بیله حق باطل ایله قاریشدیروبده حق کتم ایتیک . بو آیت کریمه سیاق نهیده انلرک غوایت و اغوا خصوصنده کی مسلک لرینی بیان بیوریور . کتابلرنده ، کندیلرینه بعث اولنوبده عجائب و غرائب اظهار ایده چک اولان کاذب پیغمبرلردن تحذیر

مسائل

وجودک مطالبی

روحک مطالبنه عائد اولان سوزیمز بیتدی ؛ شیمدی وجودک مطالبنه دائر سوزسویله مکملکمز ایجاب ایدیور . ذاتاً انسانک بدایت خلقتدن بو آنه قدر آرقه سننده طولاشدینی مادی ، معنوی هرایکی سعادت ادراک ایده بیلیمسی آنجق وجود ایله روح آره سننده بر آهنگ وفاق بولمسنه متوقفدر .

سعادت مادیه ایکی شیئه وابسته در که بری صحتی محافظه ، دیگرکی وجودک مطالبی اوزرنده تصرفدر . بز شمدی بونلرک هرایکیسنی برر فصلده ایضاح ایده چکز .

حفظ صحت

یوقاریکی فصللریمزده سویله مشدک که انسانک حیواندن یکانه مدار تمایزی اولان سلامت عقل هرشیدن اول صحت بدنه متوقفدر . انسانک احواله عطف ایدیه چک اک سطحی بر نظر بو نظریه نک طوغریلغنه بزى اقناع ایده بیلیر ، ذاتاً جهان متمدنک حکماسی بو سر عظیمی حقیله ادراک ایتمش اولدقلمی ایچون کورورسکز که صحت مسئله سنه صوک درجه ده اعتنا ایله مشلر ؛ بدنی قوتلشدیره چک ، قوای جسمانییه محافظه ایده چک بر چوق قواعد وضع ایتمشلر . بوسایه ده چوجق لر عینی زمانده هم دماغی هم وجودی بسلیوب بیوته چک اولان او قواعدله ملکه حاصل ایده چکلردر . ایشته بو قواعد صحیه نک اهمیتی اوفیلوسو- فلرجه اطفاله تعلیم ایدیلن مبادی فنوندن اصلا دون دکدر .

موضوع بحث اولان بوقاعده لر نه زمان تأسیس اولندی بیلورمیسکر؟

اوت ادیان صحتی محو ایچون بتون قوتیه چالیشیور . سعادت ابدیه یی جنتی انجق صحتی هدر ایدلره ویریور ظنی حاصل اولدقلمن صوکره . اوسبدن بوفیلوسوفلر ادیان قارشی اوله برلسان تهکم قوللاندیلر که بوراده تصویرینه لزوم کورمیورز . بزم سویایه چکمز شونندن عبارتدر که سلامت عقلک صحت بدنه ارتباط کاملی اساسی اوزرینه مبتنی اولان اک صاغلام قواعد صحیه یی تأسیس خصوص سننده مسلماناق بتون حکمای بشردن اول طاورانشدر . حفظ صحتی ارکان ایماندن بر رکن اعتبار ایدرک بتون مسلمانلری سائر امرینه امتثال ایله مأمور ایتدیکی قدر بونکله ده مجبور طومشدر . حتی اللهک قولنه بخش ایتدیکی نعمتک اک بیوی صحت اولدیغنی ، بو نعمته کله توحیددن بشقه بر شی فائق اوله میه جغنی صراحة بیلدرمشدر . علیه الصلوات والسلام اقدمز « جناب حقندن عفو و عافیت ایسته یکز . زیرا هیچ بریمزه ایمان یقیندن صوکره عافیت قدر بویوک نعمت ویرله مشدر . » بویوریور .

مسلمانلق بوقدرله ده اکتفا ایتمه مش بلکه نظافت کی مادی و معنوی ریاضات کی حفظ الصحت عائد اساسلری کندی مبادیسی میاننده ذکر ایلمشدر . حضرت پیغمبر « تمیزک ایمانک یاریسیدر . انسانلرک اککنجه لر میاندن اللهک اک بکندیکی آت قوشدیرمق اوق آتمقدر . قبلرکزی زمان زمان راختلندیریکز » بویوریور . خسته لقلره ککنجه دین اسلام بونلری الله طرفدن کوندرلمش بر عذاب صورتنده تلقی ایدر ، اوینه عذاب که خسته آدم فطرتک لایتغیر اولان قوانیننه ، صحتک قواعدینه عصیانده بولمسنه مقابل کندیسنه جزا اوله رق ویرلمشدر « خسته لق اللهک قوللرینی تأدیب ایچون برقامچیسیدر . حدیث « بناء علیه بر مسلمان بر خسته لق یعنی الله طرفندن بر تازیانه عذاب اصابت ایدنجه

مدنیت اسلامیہ دن بر صحیفہ

یا خود
نسنر سوانہ

حقیقت ، نہ علوی بر وجود معنویدر ! ایشته کوریلور ، کہ
هر کس ، عاقل ، همده عقل سلیم صاحبی اولمق ادعا سنده بولونیور ،
فقط حقیقت ینہ مستور . جمال دن رفع نقاب ایدہرک آنی بوتون
آرایش حسنیلہ کورمک ، آنی دراغوش ایلمک هر عاقلہ میسر
اولہ میور . اولہ ایسہ عاقل ، فقط سلامت دن محروم !

ادراک حقیقت اوقدر قولای برشی اولایدی انسانیتی مسعود ،
انسانلری بختیار ایتمکدن باشقه برامل بسلمه مین ، وظیفہ مقدسه سی
صرف بومطلب لاهویتک تحصیلنه منحصر بولنان پیامبران عظام
(علی نبینا وعلیہم الصلاۃ والسلام) حضراتی رهگذارسی واجتہادلرنده
هیچ بر مشکلاتہ دوچار اولمازلر . مبعوث اولدقیری امتلرندن صمیم
قبولدن ، حرمت وقدر شناسلقدن باشقه برشی کورمزلدی حال بوہ کہ
امر بالمعس و اوقدر کہ انسان مشارالیم حضراتک امتلرندن
کوردکاری شدت خصوصتلی ، تهور عداوتلری ، او داغلر دایناماز
اشکنجہلری ، عقوبتلری ، خرد سوز سوء قصدلری تاریخ انسانیتده
اوقردقجہ حجابندن اریمک ، یرک دینہ کچمک درجہ سنده متأثر ،
متالم اولور . بوعدابلر نیچین ، بو عقوبتلر حقیقتی ادراک ایدہ مامکدن !
یوقسه هانکی عقل سلیم صاحبی تصور اولنہ بیلیر ، کہ بر حقیقتی تمامیلہ
ادراک ایلدیکی حالہ ینہ عدم قبولده اصرار ایتسین ؟

برکون سلطان سریرلولاک (علیہ الصلاۃ والسلام) افندیمر حضرتلری
ابوجهل ایلا قارشیلایشیرلر . ابوجهل یردن بر قاج طاش یاوروسی آلیر ،
آوجنده صاقلار ، وقتا کہ ، تلاق قوعبولور . آرالرنده شویله بر محاورہ باشلار :
— پیغمبرم دییور ، اسرار وحیدن دم اورییورسک ، شو آو وجده کیلر
نہدر ؟ بیل .

— اوزرک نہ اولدیغی می سوبیلیم ؟ یوقسه اوزلر نیم ، سناک آکلایہ جفک
رلسان وضوح ایله ، صدق دعائی تصدیق ایتسینلر ؟

— سنک دیدیکک دها بدیع !

از میان مشت او هر پاره سنک
در شهادت کفتن آمدی درنک
لاله کفت و الا الله کفت
کوهر احمد رسول الله سفت

آووجنده کی طاشلرک هریری وحدانیت الہیہی ورسالت جلیلہ
محدیہی بر آوردہ لسان تصدیق ایدنجه ابوجهل حدتہ طاشلری فیرلاتیر
آتار ، وقوری یه سی لسانیلہ :

کفت نبود مثل تو ساحر درک
ساحران راسر توئی و تاج سر

ایشته بوده عقل ؛ لکن عقل سقیم . بیکلر جہ عقلا بوعلوی معجزہ

شئون حیاتیه سنده اعتداله رجوعه چالشہ سی لازم کلیر بوده قوا زین
صحیدی بیلیر ، علوم طبیہی محیط ، حاذق برطیبک وصایاسہ ، مراجعتدن
بشقه صورتہ اولہ ماز . علیہ الصلاۃ والسلام افندیمر « تداور ایا عباد الله فان
الله لم یزل داء الا نزل له دواء — یا عباداد کنندیکرہ باقکر زیرا جناب
حق هیچ برخستہ لق ویرمه مشد کہ اونک چارہ سنی ویرمش اولماسون »
بویوریور . آز یوقاریدہ علوم طبیہی محیط بر حاذق طیب دیمشدک .
اوت چونکہ دین بزى فنه وقوفی اولیان طولاندر یجیلرک پنجه سہ
دوشمکدن تحذیر ایتدیکی کبی او حریفلری ده عظیم بر مسئولیتلہ تهدید
ایدیور : « طبابتہ وقوفی ثابت اولیان بر آدم حکیملکہ قالدیشہ جق
اولورسہ ایقاع ایدہ جکی زبانی ضامندر . حدیث « صکرہ ، شاید
بر خستہ مبتلا اولدینی عاتی تداوی ایتدیرمک ایچون اُلندن کلنی
دریغ ایتدیرک حذاقتده معروف اطبانک هبسنہ مراجعتده بولنور لکن
هیچ برندن فائده کورمزسہ او زمان دین کنندیسہ — برندن طولای
آخرتده اک بیوک مکافاتی تبشیر ایدر .

نہ حاجت ! بزم دین مینمز وجودک ضمنی . قوتدن محرومیتی
انسانی آخرتده درجات دلیہ احرازندن یقویہ جق اعراض جلہ سندن
عد ایدر . زیرا بو ضعف . بوقوتسزلک چوق زانلر امور حیاتیه ده کی
افراط نتیجہ سی اولہرق ظہورہ کلدیکی کبی وظائف دینیہی ایضایہ
قارشى بر فتورده تولید ایدر . بو حکمتہ منی علیہ الصلاۃ والسلام افندیمر
« قوی بر مؤمن ضعیف بر مؤمنندن اییدر . بویوریور .
مسلمانلق اللہ قارشى عبادت خشوع ، خضوع دده داخل اولدینی حالہ
هر نہ غرضہ منی اولورسہ اولاسون هیچ بر مسلمانہ . صحتتہ قارشى
لاقید بولنہی تجویز ایتمز . اصحابدن عباده بن عمرو بن العاص ،
حضور سعادتده بولنیورمش . علیہ الصلاۃ والسلام افندیمر عبداللہک
کوندوزلری صائم ، کجہلری قائم کچیردیکنی بکنہرک « بویلا یا بے ! هم
اوروج طوت ، هم افطار ایت ؛ هم نماز قبل هم اویوہ زیرا سنک
وجودیکک ، کوزیکک ، زوجہکک سنی زیارتہ کلنلرک ، هبسنک سنک
اوزرنده حق وارد ؛ آید اوج کون اوروج طوتق او یرر . زیر ایشلیہ جکک
هر حسنہ یه مقابل اون مش ثواب قزانہ جفک ایچون هر کون اوروج طوتمش
اولورسک بویورمشلر . عبدالله دیور کہ بن اصرار ایدنجه حضرت پیغمبرده
اصرار ایتدی نہایت ، یارسرل الله بن کنندہ قوت کورییورم — پنجه « اولہ
ایسہ باری داوود علیہ السلام کبی صائم اول « بیوردیلر . صیام داوودی
صوردم « کون آشیری صائم اولقدیر » دیدیلر .

عباده اختیارلہ دقدن صکرہ « کاشکی جناب پیغمبرک مساعده سنی

قبول ایتمش اولہ یدم ! » دیرمش .

شبه یوقدر کہ بوتون بوقواعد مسلمانلری صحت بدنیه لرینہ قارشى
غایت اعتنالی دوراندیرہ جق ماهیتده درلر ؛ بوایسہ نظافتہ ، صحتہ صوک
درجده اہتمام اولنق صورتیلہ امراضک ، آزالہ سی ، سرایت خفیفہ قلمسی
ایچون غصر حاضر حکمسی طرفدن خلقک اذہانہ نقش اولنق
ایستہ نیلن مقصد مهمدر .

محمد عاکف